




ITALIA





VIA LATINA


I In Italiā multae et magnae viae sunt: via Appia, via Latīna, via Flāminia, via Aurēlia, via Aemilia. Via Appia est inter Rōmam et Brundisium; via Latīna inter Rōmam et Capuam; via Flāminia inter Rōmam et Arīminum; via Aurēlia inter Rōmam et Genuam; via Aemilia inter Arīminus et Placentiam. Brundisium, Capua, Arīminus, Genua, Placentia, Ōstia magna oppida sunt. Ubi est Ōstia? Ōstia est prope Rōmam. Tūsculum quoque prope Rōmam est. Brundisium nōn est prope Rōmam, sed procul ab Rōmā: via Appia longa est. Via Latīna nōn tam longa est quam via Appia. Quam longa est via Flāminia? Neque ea tam longa est quam via Appia. Tiberis fluvius nōn tam longus est quam fluvius Padus.

Circum oppida mūrī sunt. Circum Rōmam est mūrus antiquus. In mūrō Rōmānō duodecim portae sunt. Porta p̄ima Rōmāna est porta Capēna. Circum oppidum Tūsculum mūrus nōn tam longus est quam circum Rōmam.

inter Rōmam et Brundisium (acc)

prope Rōmam ↔
procul ab Rōmā

longus -a -um

duo-decim = XII (12)
porta = magnum ostium

lectica

oppidum

*ab oppidō ad villam*

ad (+ acc) ↔ ab (+ abl)

Iūlius *it* (sing)
servī *eunt* (plūr)quī quōs:
servī quī saccōs portant
sacci quōs servī portant


Lēander -drī (gen)

vehunt = portant (ab...
ad...)

ante ↔ post

ā = ab
ab ante a, e, i, o, u, h
ā/ab ante ceterās litterās

quō? ↔ unde?



Villa Iūlii est prope Tūsculum. Ab oppidō Tūsculō ad villam Iūlii nōn longa via est. Ecce Iūlius et quattuor servī in viā. Iūlius ab oppidō ad villam suam it. Dominus et servī ab oppidō ad villam eunt. Dominus in lectīcā est. Duo servī lectīcam cum dominō portant. Servī qui lectīcam portant sunt Ursus et Dāvus. Iūlius nōn in viā ambulat, servī eum portant. Syrus et Lēander ambulant. Syrus saccum portat et Lēander quoque saccum portat: Syrus et Lēander duōs saccōs in umerīs portant. Sacci quōs Syrus et Lēander portant magnī sunt, sed saccus quem Syrus portat nōn tam magnus est quam saccus Lēandrī. Quattuor servī dominum et duōs saccōs ab oppidō ad villam vehunt.

Iūlius in lectīcā est inter Ursum et Dāvum. Ursus est ante Iūlium, Dāvus post eum est. Syrus et Lēander nōn ante lectīcam, sed post lectīcam ambulant. Venitne Iūlius ā villā? Nōn ā villā venit. Unde venit Iūlius? Ab oppidō venit. Quō it Iūlius? Ad villam it. Post eum Tūsculum est, ante eum est villa.

Iūlius sōlus nōn est, nam quattuor servī apud eum sunt. Mēdus nōn est apud dominum, nam is dominum īrātum timet. Mēdus est malus servus quī nummōs do-
40 minī in sacculō suō habet. Dominus servōs malōs baculō verberat; itaque servī malī dominum et baculum eius timent. Dāvus autem bonus servus est, neque is Mēdum amat. Dāvus amīcus Mēdī nōn est, nam servus bonus et servus malus nōn amīcī, sed inimīcī sunt. Mē-
45 dus est inimīcus Dāvī. Ursus autem amīcus Dāvī est.

II Mēdus abest ā dominō suō. Estne in oppidō Tūsculō? Mēdus Tūsculī nōn est; neque Rōmae est Mēdus, sed in viā Latīnā inter Rōmam et Tūsculum. Unde venit Mē-
40 dus? Tūsculō venit, neque is ad vīllam Iūlii it. Quō it Mēdus? Rōmam it. Tūsculum post eum est, ante eum est Rōma. Mēdus viā Latīnā Tūsculō Rōmam ambulat.

Etiam Cornēlius, amīcus Iūlii, in viā Latīnā est inter Rōmam et Tūsculum. Unde venit Cornēlius? Is nōn Tūsculō, sed Rōmā venit. Quō it? Cornēlius nōn Rō-
55 mam, sed Tūsculum it. Rōma post eum, ante eum Tūsculum est. Cornēlius in equō est. Equus quī Cornēlium vehit pulcher est. Iūlius et Cornēlius ad vīllās suās eunt. Villa ubi Iūlius habitat prope Tūsculum est. Ubi habitat Cornēlius? Is Tūsculī habitat.

60 Iam Iūlius prope vīllam suam est. Servī quī lectīcam portant fessī sunt. Dominus autem fessus nōn est, nam is nōn ambulat. Iūlius ab Ursō et Dāvō portātur, itaque is fessus nōn est. Fessī sunt Syrus et Lēander, nam iī

apud eum sunt = cum eō sunt


malus -a -um ↔ bonus

...autem = sed...: Dāvus
autem = sed Dāvus

in-imīcī ↔ amīcī


Tūsculī = in oppidō
Tūsculō

Tūsculō = ab oppidō
Tūsculō

Rōma

 Tūsculum
 C → B
 D ← B

A Rōmae est
 B Tūsculī est
 C Rōmā Tūsculum it
 D Rōmam Tūsculō it

Tūsculum = ad oppidum
Tūsculum



fessus -a -um

Iūlius ab Ursō et Dāvō
portātur = Ursus et
Dāvus Iūlium portant

sacci qui ā Syrō et Lēandrō portantur = sacci quōs Syrus et Lēander portant
 saccus qui ā Lēandrō portātur = saccus quem Lēander portat

is equō vehitur = equus eum vehit



porta
 per portam →

amicus (m): amīca (f)

Mēdus ab eā amātur
 = ea Mēdum amat

amīca mea

id ā Lȳdiā nōn audītur
 = Lȳdia id nōn audit

duōs magnōs saccōs umerīs portant, neque vacuī sunt sacci! Sacci qui ā Syrō et Lēandrō portantur magnī sunt, sed saccus quem Syrus portat nōn tam magnus est quam saccus qui ā Lēandrō portātur. Itaque Syrus nōn tam fessus est quam Lēander. Cornēlius nōn est fessus, nam is equō vehitur. Iūlius lecticā vehitur. Servī ambulant. Dominī vehuntur. Mēdus ambulat, nam is servus est neque equum habet.

Iūlius prope vīllam suam est. Mēdus autem, qui dominum īrātum timet, procul ā vīllā Iūlii abest. Dominus ā servō malō timētur. Mēdus prope Rōmam est; iam mūri Rōmāni ab eō videntur et porta Capēna. (Is qui viā Latīnā venit per portam Capēnam Rōmam intrat.) Cū Rōmam it Mēdus? Rōmam it, quia Lȳdia Rōmae habitat, nam Lȳdia amīca eius est: Mēdus Lȳdiam amat et ab eā amātur. Mēdus Rōmam vocātur ab amīcā suā, quae fēmina est pulchra et proba. Itaque is fessus nōn est et laetus cantat:

*Nōn via longa est Rōmam, ubi amīca habitat mea pulchra.
 Sed id quod Mēdus cantat ā Lȳdiā nōn audītur!*

Iam Iūlius in vīllā est et ab Aemiliā līberīsque laetīs salūtātur. Cornēlius Tūsculī est. Mēdus autem Rōmae est ante ōstium Lȳdīae. Mēdus ōstium pulsat.

Lȳdia imperat: “Intrā!”

Mēdus per ōstium intrat et amīcam suam salūtat: “Salvē, mea Lȳdia! Ecce amīcus tuus qui sōlus Rōmam ad tē venit.”

Lýdia verbīs Mēdī dēlectātur eumque salūtat: "Ō amīce, salvē! Ubi est dominus tuus?"

Mēdus: "Iūlius in vīllā est apud servōs suōs – neque is iam meus dominus est!"

95 Verba Mēdī ā Lýdiā laetā audiuntur.

Lýdia verbīs Mēdī dēlectātur = verba Mēdī Lýdiām dēlectant

GRAMMATICA LATINA

Praepositiōnēs

Iūlius ad vīllam it; ad oppidum; ad ancillās.

Ursus ante Iūliūm est; ante eum; ante vīllam.

100 Dāvus post Iūliūm est; post eum; post vīllam.

Via inter Rōmām et Capuām; inter servōs.

Ōstia est prope Rōmām; prope vīllam; prope eam.

Circum oppidum mūrus est; circum mēnsam.

Mēdus est apud amīcam suam, nōn apud dominūm.

105 Mēdus per portam Capēnam Rōmām intrat; per ōstium.

Ab, ad, ex, cēt. sunt praepositiōnēs. Praepositiōnēs cum accūsātīvō: ad, ante, post, inter, prope, circum, apud, per, cēt.; praepositiōnēs cum ablātīvō: ab/ā, cum, ex, in, sine, cēt. (vidē cap. V).

110 Quō it Mēdus? Mēdus Rōmām it. Quō it Cornēliūs? Is Tūsculum it.

Unde venit Cornēliūs? Cornēliūs Rōmā venit. Unde venit Mēdus? Is Tūsculō venit.

115 ubi habitat Lýdia? Lýdia Rōmae habitat. Ubi habitat Cor- nēliūs? Is Tūsculī habitat.

Accūsātīvus: Rōmām, Tūsculum, Capuām, Brundisium, Ōstiam = ad oppidum -am/-um.

Ablātīvus: Rōmā, Tūsculō, Capuā, Brundisiō, Ōstiā = ab oppidō -ā/-ō.

120 Locātīvus (= genetīvus): Rōmae, Tūsculī, Capuae, Brundisiī, Ōstiae = in oppidō -ā/-ō.

ūna praepositiō (prp)
duae praepositiōnēs

ad	-um
ante	-am
post	-ōs
inter	-ās
prope	-a
circum	mē
apud	tē
per	

ad, ante, apud, circum,
inter, per, post, prope
+ acc.

ab/ā, cum, ex, in, sine
+ abl.

quō? Rōmā/Tūsculum

unde? Rōmā/Tūsculō

ubi? Rōmae/Tūsculī

oppidum
-um →

-ā ←

-ī
-ae

-us	-um	-t
-a	-am	
-ī	-ās	-nt
-ae	-a	
 -us	 ab/ā -ō	 -tur
-a	-ā	
-um	-īs	
-ī		
-ae		-ntur
-a		
 -t	 -nt	
 -tur	 -ntur	

sing. plūr.

[1] -ātur -antur

[2] -ētur -entur

[3] -itetur -untur

[4] -itur -iuntur

Verbum *āctīvum et passīvum*

Servus saccum portat
= Saccus portātur ā servō



Servī saccōs portant
= Sacci portantur ā servīs



125

'Portat portant' verbum *āctīvum* est. 'Portātur portantur' est verbum *passīvum*. *Āctīvum*: *-t -nt*. *Passīvum*: *-tur -ntur*.

Exempla:

[1] -ātur -antur: Aemilia Iūlium amat et ab eō amātur. Pater et 130 māter liberōs amant et ab iīs amantur. Lȳdia verbīs Mēdī dēlectātur.

[2] -ētur -entur: Iūlia puerōs nōn videt neque ab iīs vidētur. Pueri Iūliam nōn vident neque ab eā videntur.

[3] -itetur -untur: Dāvus saccum in mēnsā pōnit = sacculus in 135 mēnsā pōnitur ā Dāvō. Puerī rosās in aquā pōnunt = rosae ā puerīs in aquā pōnuntur. Cornēlius equō vehitur.

[4] -itur -iuntur: Iūlia puerōs audit neque ab iīs audītur = puerī ā Iūliā audiuntur neque eam audiunt.

PENSVM A

Iūlius ab oppid- Tūsculō ad vīll- su- it. Villa eius prope Tūscul- est. Iūlius in lectīcā est inter Urs- et Dāv-. Dominus ā servīs port-. Ursus et Dāvus nōn saccōs port-, sacc- ā Syrō et Lēandrō port-. Saccus quem Lēander port- nōn tam parvus est quam saccus quī ā Syr- port-.

Mēdus nōn est apud domin-, nam servus malus dominum tim-. Dominus ā serv- mal- tim-. Dominus serv- mal- voc- neque ab eō aud-. Serv- mal- ā domin- voc- neque eum aud-.

Quō it Mēdus? Rōm- it. Unde venit? Mēdus Tūscul- ve- nit. Ante Mēd- est Rōma, Tūsculum post e- est. Cornēlius

nōn Tūsculō Rōmam, sed Rōm— Tūscul— it, nam is Tūscul— habitat. Cornēlius nōn ambulat, sed equ— veh—.

Lȳdia, amīca Mēdī, Rōm— habitat. Iam Mēdus Rōm— apud Lȳdi— est. Mēdus amīc— su— salūt— et ab amīc— su— salūt—, nam Lȳdia Mēd— am— et ab e— am—.

PENSVM B

Ōstia nōn — ā Rōmā, sed — Rōmam est. — venit Iūlius? Tūsculō venit et — vīllam it. Duo servī eum —. Syrus et Lēander, quī — lectīcam ambulant, duōs — portant. Saccus Syrī nōn — magnus est — saccus quī — Lēandrō portātur; — Syrus nōn tam — est quam Lēander.

Mēdus — dominum nōn est, nam Mēdus dominum īrātum —. Mēdus servus — [= improbus] est; — Mēdus et Iūlius nōn —, sed inimīci sunt. Via Latīna, quae est — Rōmam et Capuam, nōn tam — est quam — Appia. — ambulat Mēdus? Is Rōmam ambulat, — amīca eius Rōmae habitat. Cornēlius — [= sed C.] Rōmā Tūsculum —. Tūsculum est — eum, — eum est Rōma. Cornēlius equō —, is nōn —. Iūlius et Cornēlius ad vīllās suās —.

PENSVM C

Ambulatne Iūlius?
Quī Iūlium portant?
Quid portant Syrus et Lēander?
Unde venit Iūlius et quō it?
Quō it Mēdus?
Etiamne Cornēlius Tūsculō Rōmam it?
Ubi habitat Cornēlius?
Cūr Mēdus laetus est?
Quae est Lȳdia?
Quid habet Mēdus in sacculō suō?
Suntne amīci Iūlius et Mēdus?
Num portat verbum passīvum est?

Vocabula nova:

via
mūrus
porta
lectīca
saccus
umerus
amīcus
inimīcus
equus
amīca
longus
malus
fessus
duodecim
it eunt
portat
ambulat
vehit
timet
intrat
tam
quam
inter
prope
procūl ab
circum
ad
ante
post
ā
apud
per
nam
itaque
autem
unde?
quō?
praepositiō
locātīvus
āctīvum
passīvum